

Problema di contrato laboral ta temporal

ORANJESTAD(AAN)—Ministro Croes a manifesta cu e asunto di contrato laboral, ta un di e puntonan cu ta worde internamente discuti.

Segun Ministro Croes, ora cu tin e tendencia di desempleo, e contratonan laboral ta bira chikito pero ora bin hopi empleo automaticamente e contratonan ta bira mas largo.

Ministro Croes a manifesta cu ningun doño di trabao no kier bay perde un trahador, den kende el a inverti tanto enseñanza etc.

Hopi di e hotelnan nobo ta busca e mihor trahadornan y un doño di tra-

baño no kier perde su trahadornan y pesey ta haci e contrato laboral mas grandi y esta ta dispuesto pa paga e trahador mas placa.

Ministro Croes a bisa cu e ta kere cu mirando loke ta pasando actualmente den e sector di hotel y

construccion, e problema di contrato laboral lo ta algo temporal.

Pa loke ta trata buscamiento di empleadonan den exterior, representante di AHATA, kende tabata presente durante e conferencia di prensa, a bisa cu un hotel mester

pasa un caminda di cruz pa atrae un persona di exterior pa bin traha na Aruba.

E hotelnan ta prefera pa haya hendenan local cu por haci e trabao.

Ministro Croes a manifesta cu pa evita cu lo busca personanan di exterior siendo cu tin hende

local, a bin cu un exigencia cu un doño di trabao cu no ta kere cu e por haya hende local, mester pone un aviso den corantnan local.

Esaki segun Ministro Croes ta pa averigua si enberdad no tin hende local cualifica pa e trabao.

Frenk Kock: Mensahe pa dia Nacional Himno y Bandera

ORANJESTAD(AAN) — Dia 18 di Maart, dia nacional di himno y bandera di e baranca stima Aruba, ta motibo pa henter e pueblo rindi

homenahe na e gran dia aki.

E motibo pa e homenahe aki segun Sr. Kock ta cu dia nacional di himno y bandera no a cay for di

cielo pa e pueblo. Ta despues di hopi lucha, sacrificio y perseverancia e pueblo a logra conquista su dia nacional.

Awe ta asina leu cu e pueblo oficialmente ya pa vrios añanan caba ta celebra su gran dia aki. Ta un hecho conoci segun sr. Kock cu PDA tur aña ta un di e poco partidonan cu a sa di rindi homenahe ariba e dia nacional aki. Den tur ocasion PDA a yega di hiba un discurso ariba e dia aki, mediante su lider maximo Dr. Berlinski.

Pero, lamentablemente e Aruba di awe y su gobierno no por tolera pa hustamente e dos partidonan PDA y MEP hiba palabra durante e ceremonianan ariba e dia nacional. Ta tristo y ta di desaproba cu un di e per-

sonanan entre otro, e promer Ministro Sr. Heny Eman, nunca por a demostra respet pa e dia nacional di himno y bandera, awor su so ta hiba palabra.

Pa PDA esaki ta e colmo, pero e colmo di hipocresia. Sin embargo PDA ta consiente cu e pueblo ta al tanto di e falta di respet di e gobièrno actual pa cu e dia nacional di e pueblo. Esaki ta mas motibo ainda, pa PDA ta orguyo y respet extende su mas caluroso y sincero pabien na henter e comunidad Arubano.

Pueblo di Aruba, un biaha mas, masha masha pabien y cu Tata Todopoderoso bendiciona e pueblo di Aruba, pa e por keda festeha conhuntamente hopi añanan mas di dia nacional di himno y bandera.

PA CHICA POS DI W.C.

BEL: 32905
Boy Schoop.
di 7'or a.m.-10'or p.m.
PRIJS BARATA.
SERVICIO RAPIDO.
WESTSTRAAT.20.

Lamar bruto a pone hopi barco den problema

ORANJESTAD (AAN) — Varios barco a confronta problema serio ayera ariba alta mar debi na e biento fuerte cu tabata tin.

Olanan tabata hopi halto ariba lama grandi segun informe cu DIARIO ta dispone di dje cu a trece varios barco den problema.

Den oranan di marduga un barco cu tabata lastra un lancha den direccion pa Aruba door di mal tempo cu nan a topa e lancha a zink um miya for di macya. Ta trata di e barco "Gavara" cu tabata ser lastra pa "Topocho" cu e capitan mester a corta e cabuya rapido pa e no hundi hunto cu Gavara.

Tambe informe a drenta cu mester tabata tin candela ariba un barco ya cu M.D. a ser capta door di un barco di turista Royal Odessy cu a drenta puerto ayera. Segun e capitan nan tabata tende jamada di M.D. debi cu tin candela ta expande rapidamente ariba e barco "Cartagena De India" cu tabata na un distancia di 14,6 miya noord y 74,18 miya west.

No tabata posible pa por a capta tur e peticonan di e barco debi cu e comunicacion tabata hopi malo mes segun e capitan.

Ayera un vez mas tabata tin problema cu barco na un pier ariba waaf ora cu un barco mester hala for

di un pier pa otro por drenta bunker.

Ayera mainta e barco "Erika Beatrix tabata mara na pier B y e anochi anterior e capitan a ser notifica cu e tin cu hala esaki ya cu lo bin un barco grandi pa mara na e pier aki pa bunker. Ayera mainta no tabata tin ni capitan ni marinista abordo pa kita esaki, e tripulacion mes mester a hala e barco chiquito cu man pa e otro pier mien tras tanto e barco grandi tabata drenta haf poco poco.



Diahuebs merdia Comisario di Polis Peterson a haci entrega di certificadonan na 19 persona, tanto di polis y Douane Recherche cu a sigui un curso basico pa Recherche. E 19 cursistanan aki a sigui un curso di 3 siman ariba diferente facetonan entre otro criminalidad, kinderbescherming, openbare ministerie, voogdij, droga etc. E curso a ser organisa pa Politie Opleiding Schol y a ser coordina pa sr. R.M. Martis. E curso aki a tuma lugar den Teorie lokaal na warda di polis na San Nicolas, y ta e prome curso di e otronan cu lo sigui. Presente tabata alto funcionarionan di Cuerpo Policial di Aruba entre otro Sr. Baiz di school pa Polis, sr. Rasmijn y Sr. Peterson cu a haci entrega di e certificadonan na e 19 cursistanan. Nan ta: F. Felten, J.J. Anthony, R.P. Soemers, E.S. Lake, G.A. Dammers, I. Kelly, P.E. Vrolijk, C.M. Hodge, R.R. Hodge, A.R. Geerman, J.F. Koolman, H.R. Colina, O.R. Rasmijn, D.B. Ponson, A.I. Ildge, M.J. Maduro, L.B. Croes, J.J. Kelly y C.R. Croes.

Telefoonnan di Diario
Tel: 26747
Tel: 22207
Tel: 35026

PA
LIQUIDACION
TOTAL DI
INSECTO TA UN
PROFESIONAL
SO TIN



PROFESSIONAL
PEST
CONTROL N.Y.

BAO
DIRECCION DI
ROY MADURO
Y

MIGUEL
ARRINDELL.
NAN TA
BEK PA
COMBATI TUR
INSECTO

PROFESSIONAL
PEST
CONTROL N.Y.

AMANDELSTRAAT-3 B
Tel.: 25002